

---

# ALLIAQ

PERSUTTAANEQ OQALUUSERIUK  
SAMTALE OM VOLD



**2023**  
**UKIUMOORTUMIK**  
**NALUNAARUT**

---

ISUMAGINNINNERMUT AQUTSISOQARFIK

# 2023 UKIUMOORTUMIK NALUNAARUT

Nakuuserneq ajornartorsiutinik aaqqiineq ajorpoq -  
Nakuuserneq ajornartorsiutinik pilersitsisarpoq.


Alliaq pillugu ilisimaarinninnissaq saaffiginnittartullu amerlinissaat anguniarlugu 2023-mi katsorsartinnissamut neqeroorutip annerusumik nittarsaanneqarnera pitsaasumik kingunilimmik ingerlasimavoq. Inuit qanigisaminnut sakkortuumik pissusilersortartut suli qassioqqissaarneri erseqqissumik ilisimaneqassanganneqanngilaq. Aammattaaq 2023-p ingerlanerani aappariittut katsorsartittoqarsinnaanerani apersuutiginnittoqarsimavoq.

## ALLIAMIT KISITSISIT PINGAARNERIT

2023-mi innuttaasut katillutik 149-it Alliamut innersuunneqarsimapput.

Innersuunneqarsimasut

- 54 %-ii arnanit innersuunneqarsimapput
- 46%-illu angutininnaanneersimallutik.
- Innuttaasut 20-niit 29-nut ukiullit aamma 30-niit 39-nik ukiullit saaffiginninnerusarput.
- Saaffiginnittut amerlanersaat Kommuneqarfik Sermersuumeersuupput.



Angutit 68-sit



Arnat 81-it

# IMA ISIKKOQARPOQ

# 149-t


## 2023-mi innersuunneqarsimapput

Alliap 2023-mi katillugit innuttaasut 149-it katsorsartinnissamut innersuussimavai.

# 25%-mik


## innersuussinerit amerlierarput

Ukiut ingerlanerini inuit Alliamut innersuunneqartartut amerliartorput. 2020-mi innersuunneqarsimasut 59-iupput, 2021-mi 79-iullutik, 2022-mi 119-inut amerlierarput kiisalu 2023-mi 149-nut amerliersimallutik. Taamaattumik 2022-miit 2023-mut 30-nik amerleriaateqartoqarpoq, taannalu amerleriaat 25%-iuvoq. Ingerlaavartumik paasititsiniaanerit nittarsaassinerillu ukkatarineqarnerini taakkua pingaarnertut anguneqarput.



# UKIOQATIGIIAAT

Alliamut katsorsarneqartussatut innersuunneqarsimasartuni ukioqatigiiaat tassaapput 20-niit 29-nut ukiullit, taakkunani 52-it innersuunneqarsimapput, aammali 30-niit 39-nut ukiullit, taakkunani 66-it innersuunneqarsimallutik.



# SUIAASSUTSIT


## AGGUATAARNEQARTARNERI



2023-mi innersuunneqartut amerlanerpaartaat arnaapput, taakkualu saaffiginnissutit 54 %-erivaat. Alliami katsorsartinnissamut 2023-mi innersuunneqartut angutaaneri arnaaneriluunniit eqqarsaatigalugit 2022-mut sanilliullugu allannguuteqarpoq. Allannguummi takuneqarsinnaavoq innersuunneqartut amerlanersaat tassaasut arnat. Agguataarinninnermi arnat 2021-mi 39%-iusimariarluti 2022-imi 45%-iupput 2023-milu 54%-iullutik.

# NAJUGAQ

Innersuunneqarsimasut amerlanersaat 77-it Kommuneqarfik Sermersuuminngaanneersuupput, Qeqqata Kommunianeersut 24-usut tulliullutik aammalu Kommune Kujallermeersut 22-ullutik, Avannaata Kommunianit 24-t kiisalu Kommune Qeqertalimmiit 17-it innersuunneqarsimallutik. Agguataarinerit taamaaginnarput, tassa innersuunneqartut affangajaat Kommuneqarfik Sermersuuminngaanneersuusalutik. Matumani 2023-mi Nunatsinni innuttaasut 43 %-ii Kommuneqarfik Sermersuumi najugaqartuuneri eqqarsaatigineqartariaqarpoq. Qeqqata Kommunianit innersuunneqartut malunnartumik amerleriaateqarput, 2022-imi aqqaneqsisamaagamik 2023-milu 24-ullutik.



# MEEQQAT ANGERLARSIMAFFIMMIITTUT

Innuttaasut Alliamut innersuunneqartut amerlanertigut meeqqanik 18-it inorlugit ukiulinnik najugaqartuuteqartarput.

Innersuunneqarsimasut affaasa missaat ilisimatitsisarput angerlarsimaffimmi meerartaqarlutik.


Tamatuma erseqqissisippaa meerarpassuit angerlarsimaffimmi persuttaasoqartarneranik misigitinneqartartut, tamanna meeqqat inersimasunngornerminni namminneerlutik persuttaasalernissaannut sunniuteqaqataasinnaavoq.

Inersimasunngoreerluni persuttaasaleratarsinnaanermut peqqutit annersaat tassaavoq meeraanermi persuttaanermik misigisaqartitaasarsimaneq imaluunniit persuttagaasarsimaneq.

Angerlarsimaffimmi meerartaqarsimatillugu saaffiginninnerit taamaattut Alliami nalilersuinermit siullertut pingaarninngortinneqartarput.



## PERORIARTORNEQ



2023-mi Alliami katsorsartinnissamut innersuunneqartut amerlanerpaartaat, meeraanermi imaluunniit piffissap ingerlanerani persuttaanermik, atornerluinermik, kinguaassiuutitigut atornerluinermik imaluunniit avittoqarneranik nalaataqartarsimapput.

Taakkunannga arlallit namminneq misigisarsimavaat imaluunniit qanigisaasa arlaat taama pineqartarsimallutik.

49%-iisa meeraanermi persuttaanermik misigisaqarsimanertik oqaluttuaat.

55%-ii atornerluinermik nalaataqarsimanerarpup.

32%-iisa kinguaassiuutitigut atornerlugaaneq misigisimavaat.

27%-iisa avittoqarnera misigisimavaat.

Innersuunneqartut arlallit qulaani taaneqartut arlariissillugit misigisarsimavaat.

Innuttaasut innersuunneqartut 15%-ii meeraanertik pitsaasuusimanerarlugu naliliisimappup.


# ALLIAQ PILLUGU ILISIMASAQARNEQ

2023-mi katsorsaanissamik neqeroorutip ilisimaneqarnerunissaanik siunertalimmik immikkut ukkatarinnittoqarpoq, matumani radiukkut, isiginnaarutikkut aamma KNR-TV-kkut allagarsiussat naatsut saqqummiunneqartarlutik. Taakkua saniatigut quppersagaaqqat paasissutissallu allat kommunit, politeeqarfinnut, paaqqinniffinnut aamma suleqatigisartakkanut allanut attuumassuteqartunut agguanneqarput.

Isumaginninnermut Aqutsisoqarfiup innuttaasunut neqeroorutigisartagaanut allanut Alliaq pillugu paasissutissiisarnerit annertusipput, taamaalilluni ilisimaneqarneq siammarneqarpoq.

Innuttaasut Alliamut saaffiginnittartut annerusumik KNR aqutugalugu neqeroorummik ilisimasaqalersimanagerartarput.

Alliamik ilisimasaqalerneq ima agguataarneqarpoq, 104-t KNR-ikkut paasisimavaat aamma 29-t paasissutissiiviit allat aqutugalugit tusarsimallugu, assersuutugalugu 17-it Tusaannga aqutugalugu aamma 29-t paasissutissiiviit allat aqutugalugit tusagaqarsimapput kiisalu ilaqquttat, qimarnguiit, ikinngutit, ilaqquttat nalunngisallu aqutugalugit paasisaqarsimallutik.



# PAASSISSUTISSAT

Paasissutissat nalunaarusiami matumani atorneqartut Alliami katsorsartinnissamut innersuunneqartunit pissarsiarineqarput.

Innuttaasut innersuunneqarnerminni akissuteqarnerminni paasissutissanik amerlanerusunik tunniusserusussimangillat, taamaattumik paasissutissat tamakkiisuunngillat. Tamanna tunngavigalugu nalunaarusiami matumani paasissutissat arlallit inerneru innersuunneqarsimasunut 149-usunut naapertuutinngillat.

Tamannali ajornartorsiutitut isigineqanngilaq, tassami akissutit ataatsimut isigalugu amerlasuujupput, taamaattumillu innuttaasut innersuunneqartut agguaqatigiissinnerannik takussusiisuusutut isigineqarsinnaallutik.